

安接請送捕盜左右軍官與本官守令同力捕捉傳曰如啓○  
開城府儒生等上疏言兩宗事不允○兩司啓兩宗及禁僧節  
目事不允○日暈

丁卯

上親傳社稷祭香祝○弘文館上疏言兩宗事答曰兩

宗設立則自有統領無弊而禁斷今若別捧承傳而立法則以  
僧之故僅存之民亦不得安接不允且災變之出由設兩宗  
云者反覆思之我不敢知

先朝

七宗朝

亦有白虹貫日地震之

變其時亦崇信異教而致乎白虹貫日地震之變予亦豈的指  
為兵象乎古人之論亦不一故予多方省念而惕慮也○開城  
府儒生上疏言兩宗事不允○兩司啓兩宗及禁僧節目事不  
允○日暈兩珥內赤外青未時白雲如帛自乾方至艮方布天  
其狀如氣良久乃滅夜月暈色白五更巽方有氣如火  
戊辰傳曰今觀咸鏡監司狀啓咸興地有雌雞化為雄去乙亥  
年間亦有此怪而今又有之變異非常政院其知之

史臣曰兩宗復設於京師普雨焚跡於咸興而京師則白虹